

觀

象

玩

占

觀象玩占卷之三

月 總敘

月者太陰之精積而成象魄質含影稟日之光以明照夜以之配日女主之象以之比德刑罰之義列之朝廷諸侯大臣之類故近日則光斂猶臣近君卑而屈也遠日則光滿為其守道循法蒙君榮華而体勢伸也當日則食猶臣借君道而禍至於覆滅也盈極必缺示其不可久盈也行有弦望晦朔遲疾陰陽政刑之等威也且日行一度月日行十三度一千三百四十度分度四百九十四此平行之火

率也人君有道人君奉法則月行依度大臣執權則月行失道大臣用事兵刑失理則月行乍南乍北女主外威擅權則月行或進或退此以其大畧也若夫推求晦朔弦望等術皆著曆法此不勝載獨取占焉

月變異占

月變色其圓有缺青為憂為飢赤為爭為兵白為喪為旱黑為水為疫為死喪黃潤而明則有喜黃燥則為風為旱又日月變色將有殃

月始生而色青其分有疫五穀貴色赤其分君憂色黃其分

有立王色白其分亡地色黑其分有水月滿而色赤為兵為
一 早月赤如楮大將死也

兩軍相當月生而色黃主人受其殃月二十八日色黃客受
殃河圖帝覽禧日月入而黃主人受殃月出而赤黃客受
殃三日不復主人戰不勝

月無光臣作亂其下國有死亡一曰君於令不行民饑國憂乙巳占
曰人君宰相行令不行四時刑罰不中出賢蔽能則月無
光不救其行五穀不成六畜不生上下不從盜賊並起或月無
光戰不勝京房曰月無光臣不作亂教令不行民飢國亡

正月月無光兵起人多死

二月月無光國憂災異事

三月月無光水災

四月月無光大旱

五月月無光災旱

六月月無光六畜貴

七月月無光虫災歲凶

八月月無光兵起

九月月無光布帛貴

十月月無光六畜貴

十一月月無光魚鹽貴

十二月月無光五穀大貴

若九月至十二月莫不明穀貴

月生若光其下多死亡

月暈無光是謂大盪其下有兵喪凡

攻城月小而無光其城降

月大而無光城不降

月光如張炬火其下國立王 月晝明姦邪並作君臣爭

明女主失行陰國兵強中國飢饉天下謀僭乙巳占日月晝
明臣所與君爭能人君宜黜強臣士姦佞親忠直絕女謁則
禍不作矣

月生三日其中縵如絲布其野虛兵爭盡出在外主人不勝
月出非其所行非其路皆為女主失行姦通內外陰謀小國

兵強中國民飢下欲僭權

天有三門房星其準也其中央曰天街南二星曰陽環其
南星之下曰太陽道北二星間曰陰環其北星之上曰太

陰道月行由天街則天下和平行陽道則為旱行陰道

則為水

月出地中無人出為天下主 月生正偃天下有兵合無兵人

主凶一日無兵則兵出一日月初生而偃有水

月初生正仰天下有兵、合無兵人主凶

月始生而南向糴貴在其月戰則南方勝一曰月生而南向陰國

亡地又曰南國有兵

月始生而上大者上旬糴賤下大者下旬糴賤

月初生少而形廣大者水灾

月初生而已半女主強又曰陰國利月初生而見東方天下兵起
月初生而見南方米貴在其月 月初生而盛明女主持政
凡月生三日而始見三日不見至七日而始見天下兵起十五日始見

國賊

凡大月八日昏中其小月七日昏中過度有兵不及度有喪
月三日四日而昏中天下有急兵臣專恣五日而昏中兵起在
外戰月六日而昏中兵不戰繼貴乙巳占曰月當中而
中有急兵大戰破軍殺將大臣逼君女主擅權天下亂宗

廟易 月十二十三而昏中下謀上事成

月生八日而上弦天下大安

月生八日而不上弦攻人城者不勝月生十日而不弦戰不勝將死
月六日而弦大臣專政不用主命月九日而弦以主人勝客不勝

月未當弦兵起一曰月未當上弦兵大兵未當下弦而弦臣下
多姦也 月當弦而不弦國有大兵

月十五日而望天下安靜 十四日而望主更令期一年十六日
而望國不昌

河圖帝覽嬉日月未當望而望是謂猝兵宜攻他人月當望而不
望攻人地者有殃所宿亡地

乙巳占日月未當望而望急兵大戰軍破將死大臣執政逼君
主將有殃女主擅權天下亂宗廟易

月望而不滿有兵一日分失地月當盈而不盈君侵臣有大旱
之灾未當盈而盈臣欺君有兵

月生三日至七日盈兵大起八日以後天下亂十一日至十四日盈
其分國亡

月上弦盛明君無威德臣執權民背其君尊其臣

月末當缺而缺大臣滅女主黜諸侯世家絕

月當虧而不虧陰盛臣強君奪勢 月下弦而不下弦姦臣專政

月當晦而不及所當國亡其地一曰其宿分國亡地

月當出而不出有陰謀有死亡天下亂 月未當生而生臣下專恣

月始生天中上謀下事不成

月前望而西缺望後而東缺名曰反月臣下不奉法侵奪主勢天下

大湧水兵起

月入八日北向陰國亡地月下不盡八日向北陽國失地

月大而体小者旱

月晦而見西方謂之眺朔而見東方謂之朏又謂之反匿眺則侯王

其舒言政緩則陽行逢陰行疾也反匿則侯王其肅言政急則

行疾陰行遲也舒者臣強而專政肅者臣惧而太遲荊州占曰
行疾有急事行不急多留事 月太盈君惡之大縮臣惡之

月再中帝王窮

月出復沒天下亂

月毀為三四天下分亂一日將相

伐主 月毀為二將相伐有謀

月分為兩無道之君失天下

月墜于天國有憂大臣亡有道之臣亡

兩月並出相重急兵至一日兩月並見其下兵起國亂地陷水湧有國亡

一曰大臣爭權一曰後宮寵妾亂政一日天下有兩主立若相去二寸臣

滅其主

乙巳占曰兩月並出天下治兵異姓大臣爭勢害王者宜選賢授之又曰

重出者皆為暴兵殘害天下將亡天之象也 數月並出國以亂亡

三四五六月並見天下爭立為帝一日諸侯大臣爭起如月之數

乙巳占曰三月並見其分有諸侯女主有競

月在東方有小月承大月小國毀大國伐之為主害在西方小月承大月

小國勝大月承小月大國勝

月兩弦中間光盛而衆多或二三或三四五六以至十月天子政在諸

侯分裂

月闕其下有流血凡兩月三月以至十月以上皆有物如月非皆真也

月中有非常氣色皆為后妃有陰謀事

月中如人行者有兩主爭客勝

月始生有黑雲貫月名曰繳雲或一或二或三四不出三日有暴雨

月望而月中有蟾兔不見者所宿國大水城陷民流亦為女主宮中不安

月生彗其國昏亂

月生芒后族擅權天子有憂一日垂芒其國亂

月生四日而有兩角刺如矛狀其國有弑逆事

月上角大主勝下角大客勝

月生牙齒女主后妃亂天下兵起黃帝占曰大臣恣欺其君荊州

占王者備左右一日妻妾黜主威歇一日女主死一日辟下相殘

有刺客

月生足其下君憂河圖秘徵曰帝失德政不平則月生足月生亦足
臣有得罪者

月生爪人君賞罰不公偏任小人以起兵亂亦為有刺客在其分
荆州占曰月爪所指其分煩擾有土工事

河圖秘曰徵陪巨擅命群下附和則月舉足垂爪或曰詩侯謀反
則月爪

月生刺賊臣生中國亦曰其宿圖君防刺客若有兵在外則主將防
荆州占曰月一日主刺賊生中國二日生刺女主有隱疾

三日生刺是謂內傷

四日生刺是謂敵先

五日生刺有妖言

六日生刺其國亡邑

七日生刺其地弱

八日生刺其地割有分民

九日生刺其地飢民以食弱以兵行

十日生刺女主勢政

十一日生刺其地有陰死者

十二日生刺其下國昏亂

十三日生刺是謂始強得地

十四日生刺不利女君

十五日生刺是謂盛強其下多兵

十六日生刺是謂內弱臣叛

十七日生刺是謂滅法有兵

十八日生刺是謂溫死

十九日生刺是謂陽乘陰治女子執事

二十日生刺其分有土工
二十一日生刺千里外有聚兵

二十二日生刺是謂始衰貴人多死

二十三日生刺是謂陰盛女主為主

二十四日生刺中有大謀
二十五日生刺是謂陰隱國有殃

二十六日生刺多憂
二十七日生刺大飢

二十八日生刺有攻城
二十九日生刺是謂自伐其國有內亂

常以月十四日夜候月中氣如飛鳥其他無居者月中有黑子氣大如挑

李者臣有蔽主明者

漢成帝建始元年八月戊午晨滿未及三刻有兩月重見東方易傳

曰婦貞厲月幾望君子征吉言君弱而婦強為陰所乘則月並出是時帝寵趙氏政婦外威漢祚遂亡

晉安帝隆安五年三月甲子月生齒占曰有賊臣桓玄篡位徵也

義熙九年十二月辛卯朔月猶見東方是謂反匿則王侯其政肅是時刘俗輔政威刑自己匿之應也

梁武帝太清二年五月兩月相承如鉤見於西方占曰其國亂必見於亡國是時帝為侯景所囚卒以憂崩

簡文帝大寶元年正月丙寅月尽明見於東方占曰有陰謀國難逃又曰姦邪並作擅君之朝其後侯景篡位

隋煬帝大業九年正月十七日有兩月見於東方相去二尺在箕斗之間俄而楊玄感起兵於黎陽朱粲崇殘賊江南天下自此大兵交作兵賊相掠國遂滅亡

唐肅宗開成四年閏正月甲寅朔乙酉月在營室正偃魄質盛也占曰為臣下專恣之象 月薄女主憂大臣失所

志曰凡軍行而過日月薄宜收軍不尔有謀及無交而食曰薄或近望陰氣侵迫赤黃無光者匿氣薄月也

月無雲而滅影昏暗謂之夜冥人君昏耗不明之象法令不行將有死亡之兆若雜以殺氣寒條者必有大咎

三日內雨則不占

月食占

月食者陽侵陰臣下有咎董仲舒曰臣行刑執法不中志氣所積

則月為之食月食之宿其國貴人死或曰月食則粟貴

荊州占曰月食失刑之國當其咎又曰月食人主宜嚴號令省刑

一 月食後三日內有大雨則災降

乙巳占曰凡有食其鄉有拔邑大戰之事

凡師出門而月食當其國之野軍大敗將死

月食豈君有殃月食不尺臣當之

月食中分不出五年國有兵憂

乙巳占日月食天無光其分君死日食不及光輝散臣憂之月食
太半以上大水以日支占國 月食以旦相及太子當之月食
以夕君當之

月食起南方男子惡之起北方女子惡之起東方少壯者惡之起
西方老者惡之皆為疾疫死亡

河圖帝覽嬉日月食從上始謂之失國其國君當之從旁起
謂之失令相當之從下起謂之失律將軍當之又曰從上始謂之
赤子食其陰為女喪陽為男喪

月食而青色人多^死五穀傷赤色君為客不出一年黃色有立諸
侯國者白色其國有喪或失地其食尽者五穀貴其分國當
之一日月已食而色青為憂亦為兵黃土功白喪黑水

月食而赤如血有反臣

月食東方其月中有惡風

月食西方主人利

月食而開且暈國君患之有軍心戰無軍兵起一曰隨所食伐之利
月食有氣從外東入月中主人不利從中出外客不利氣從南行
南軍不利東西亦如之氣所之方敗也

月初生而食將敗于野

月初生三日而食是謂大殃其國有喪十日至十四日而食天下兵起

女主凶

月下望而食或望後食其國大水溢大臣死右妃有憂以日占國

月食望前天子弱大臣強不能成功成事又曰示盈而食陰道消女至

憂過盈食尽宮中有憂

月食而有暈氣蒼色虫蝗生大臣灾有大水民流亡以日辰占國地

月春食歲惡將軍死國有憂一日穀貴

荆州占曰孟春食賤人當之仲春食貴人當之季春食人當
之夏食旱一曰國有大憂一曰虫生秋禾不成

秋食兵起一曰邊有兵民不安西方災

冬食其國飢有女喪一曰將有憂一曰春多源女主憂已上皆以日
辰占其分野 月春食東方 夏食南方 秋食西方
冬食北方皆為其方兵起者也

武家曰正月食有災旱一曰賤人災齊國惡未貴二月食貴
人病魯惡六畜貴三月食大人憂楚惡絲綿貴六畜貴四月
食飢五月旱梁國惡六畜貴六月食旱沛國惡六畜貴七月
食兵起陳國惡絲綿貴八月食兵起鄭國惡魚鹽貴九月
食兵起韓國惡十月食兵起魏國惡十一月食女主喪趙國燕

國志十二月食兵起有大水魏國秦國志

月以甲乙日食年多魚禾麥傷丙子日食年豐戊己日食下田凶

庚辛日食高田凶壬癸日食歲和

戊子日食大臣下獄一日大臣死又曰自縊死者

己日月食山崩壞城郭大水溢內臣黜后不康臣民災皆以

一日支占其分 月食在辰巳地未年麥傷

月食在午未秋稼凶 食在子午正女主當之

食子午卯酉地大水損禾稼壞城廓有疾以日夜占其國分

月食地中出而虧天下大飢兩月並食天下大飢

凡月食無兵在外其國兵將起而月食所當之國戰不勝
若有軍在外而月食出戰軍敗亡過食尽將死食不尽軍敗
將不死荆州占曰軍在外而月食將还其國戰不勝

月食尽者軍必歸不盡軍自正

凡用兵從食處擊之勝 月食而有星入中覬由兵起

月食尽在陽日占在大臣陰日占在妃夫人

凡月三日無鬼其月必食 月行與米同宿而食粟責臣農

官憂月行與火同宿而食天下破亡有憂

月行與土同宿而食國以飢亡

月行與金同宿而食強國戰不勝亡城大將有二心

月行與水同宿而食其國有女亂由是而亡

月五星相干犯占

月犯歲星其宿國飢晉志曰其分歲飢人流黃帝占曰刑獄
煩多盜賊一曰有邊兵一曰其分主死又為民疫一曰相有凶

月乘歲星相死有大戰其野有拔城一曰其分主死

月貫歲星有流民不出十二年國以飢亡月與歲星會其
年有疾疫

月與星同宿而食宿乘貴民相食農官憂一曰女主凶有大戰

月與歲星同光國以飢亡一曰臣強臣弱曰相死國飢期三年
一曰其國且以女樂亡

月食歲星軍飢一曰大臣誅一曰邦無主人相食

月吞歲星其國飢亡不出十三年

月食歲星而暈女主去其國大飢有大戰

歲星入月相以妃黨之譖去一曰不一旬天下有火災粟大貴不出

二年天下亡徙為亂有野兵荊州占曰臣殺主

歲星食月有大喪女主死臣為廷國易主歲星犯月其國有逐相

晉惠帝大安二年十一月庚辰歲星入月中占曰臣犯主省逐相其

後左將軍陳豨奉帝伐成都王敗績兵逼柔與後二年帝崩
明帝咸康五年四月辛未月犯歲星在胃占曰國飢人流乙未
又犯歲星在卯其年八月有河南郟城之敗百姓流亡者
餘家

孝武帝大元十九年四月乙巳月食歲星在尾為燕分明年慕
容岳遣兵伐魏大敗死者數萬垂死燕遂亡

穆帝永和九年十二月 月在泉井犯歲星是時桓温伐符健
于長安

又升平元年十一月壬午月掩歲星在房為豫州二年閏二

月乙亥月又犯歲星在房三年豫州刺史謝方敗八月謝方
一堯

哀帝吳寧三年正月乙卯月掩歲星在參為益州六月鎮西將
軍益州刺史周燾入益州以叛朱序討平之

帝三年二月甲辰月掩歲星于左角是年

月刘裕起兵 殺 等明年遂滅

安帝義熙七年六月庚子月掩歲星在畢八月乙未月犯歲星在

參八年正月庚戌月又犯歲星在畢其年七月朱齡石伐

蜀人等反後又討平之九年三月西燕入

南朝宋孝武大明五年十月月入本微西蕃犯歲星後三年孝
武帝崩

後魏 始光三年正月歲星食月在張四年六月攻赫連昌于
統萬大敗之

梁武帝太清十四年九月戊午月掩崩星在斗後侯景篡位
北齊武帝武平三年十一月辛丑月食虛星後七年齊亡

唐玄宗天寶十四年 月 月食歲在定井宗師也明年長安失
守 月犯熒惑有亂臣一曰其國有兵貴人出平歲曰有兵戰
小吏死一曰女主憂荊州占曰戰勝之國大將死一曰天下有女

主憂一曰貴人以兵死國內亂

月犯熒惑而軍或食天下破亡太平將軍憂期三年

月食熒惑國亂兵起有白衣之聚一曰相及太子當之一曰有內亂
帝不終武家占曰為飢一曰相死荊州曰天下滅亡

河圖帝覽嬉曰其圖以兵致飢而以亂亡

月掩熒惑其地大敗合其宿國主死海中占曰其國人傷不可起兵
荊州占曰月與火合光芒相及其宿國亂又曰太子憂

月功齒熒惑其分國軍破敗

月與熒惑合其宿國主死海中占曰其國不可以為貴人傷有

內兵剽州占曰

月與火合光芒相及國有內亂三年不解又曰其國太子死

月與火同宿而食月在火北禾不熟在火南果不實在火東天

下默、在火西其分兵飢一曰有大戰

月與熒惑同光有殺臣內亂且飢

熒惑食月諛臣貴後宮有女害主考又曰國敗

熒惑犯月有亂臣一曰諸侯有相謀者

熒惑大月及七寸已內人主惡之一曰主信諛邪人用一曰熒惑入曰

憂在宮中有盜賊一曰有亂臣在側相死黃帝占曰有兵喪

海中占曰以戰不勝荊州占曰臣叛主曰其分兵且旱不出
五月女戚為政天下亂逆行則其災甚大

熒惑觸月上角相愛中央主愛下角將愛

熒惑貫月陰國亂其國貴人兵死國不可伐不出五年國亡

熒惑入月女親為政天下亂

漢宣帝地節元年正月戊午己夜月食熒惑在角亢占曰憂在

宮中非賊而盜也有內亂諛臣在旁後四年霍氏謀反伏誅

晉孝武大元十三年三月熒惑入月占曰有亂臣死者若有相殺

者是時瑯琊王贛政王妃從兄國寶以姻媿愛悅等交通

相扇帝殺悅由 有隙禍亂

起十八年正月熒惑入月

二十一年九月帝崩衆言張夫人執

送又主國室并
殺幸伏其辛

後魏

元興四年閏月庚申犯熒惑在昴七月月食熒惑占曰兵起
五年 澤劉逸自號征東將軍

陳 大建六年十月癸卯月食熒惑在斗占曰國敗君亡兵起破
軍殺將明年三月吳明徹敗于呂梁被擒十三年帝崩

唐武后長安二年熒惑入月歲餘張

月犯鎮星女主喪敗一曰有點后一曰為亡地不出十二年國以飢亡

一日天下有大喪荊州占曰其地貴人以兵飢天下亂一曰奉
事者敗若天下有風之災

月食填星其地飢流亡女主憂一曰民流千里一曰國以女亂亡

月乘土星地動不則天裂 月與土合其下國飢

月與填星同先以其月食一曰且有以移徙亡者若星動搖其下地
填星入月中臣賊主一曰不出四十日有土工事乙巳占曰王者當三
貴人絕無後一曰女主死

填星食月有喪女主凶 填星貫月國內亂不出五年亡

漢宣帝建始四年十一月乙卯月食填星不見時在與鬼

西北八九寸至和平元年流民入函谷關

晉安帝隆安四年正月乙亥月犯填星在牛占曰吳越有兵喪

主女憂六月乙未又犯填星在牛至七月皇太后李氏崩元
吳元年孫恩破會稽七月大飢人相食

唐和元三年十月月在氐土星見月中其分野在東平李師古地也
未幾師古死師道叛亡

月犯太白有兵大戰一曰時有二心一曰人主惡之荊州占曰月犯太白
天下靡散

河圖帝覽嬉曰強侯作難以成戰、則不勝一曰太白與月相犯國多

寇盜

月蝕太白強國以戰亡亦曰其分主人死荊州占曰臣弑君亦受誅
一曰國君亡

月掩太白王者亡地 月吞太白其分兵戰國亡

月戴太白有猝兵期五日

太白出月下芒相及君死反流

月生三日刺太白之陽國勝小邑損月生三日刺太白之陰兵在外
者木及兵在內者不及出南方為陽北方為陰月與太白

同出守城者賣城宜更其守者月與太白合宿太子死主家

月與太白會在南南國凶在北國凶

月與太白同光其日月食其下兵亡

太白與月爭光大戰相去五寸有拔城二寸軍憂三寸天子罷相守天下有兵三天有憂城一尺拔城五尺以外無咎

太白食月易大將一曰將死一曰臣犯主

太白入月中其國戰不勝亡地海中占曰不及九年國分兵亡荆州

占曰有分國三王一曰其分兵起一曰將死一曰臣謀不成又曰

有內惡郝萌曰國失政大臣作亂荆州占曰軍出主將死太白入

月中而不出客將死出者主將死武容曰太白入月中而不見

客將死其星見主人將死無軍則大將軍當之乙巳占曰太白
八月中星不見臣為逆

月弦太白入弦中侯王死 太白犯月刑理失中自毀其法

太白貫月期不出六年國有大兵戰敗亡地一曰國以女亂亡

月生三日候太白夕出西方與月相併中間客一指軍在外期十日

有破軍死將客勝客二指期十五日有破軍死將客勝一曰主

人小勝客三指期二十日有破軍死將客軍大勝主人亡地客

四指二十五日客軍入竟主人不勝客五指期三十日軍戰不勝

月未盡三日候太白晨出東方與月相並中間客一指八月三日有

破軍死將主人不勝客二指入月九日主人軍大敗失地客三指
入月十五日有破軍死將主人亡地客四指入月二十日客軍大敗客
五指入月二十七日軍陣不戰其法開一目舉指推之

太白夕見西方在月北為得在月南為失行用兵先起者敗至歲
曰入月三日候太白夕出西方在月南中國戰勝負海之國敗
在月北負海之國勝中國敗秋冬入月三日太白出西方居月
北軍強居月南軍弱

太白始晨見東方在月南為得行在月北為失行是謂及生不
有破軍必有屠城北國當其殃平歲曰

月未盡三日候太白晨出東方在月北中國勝負海之國不
勝在月南負海之國勝中國不勝無軍在外以月生三日
夕候太白出西方以月未盡三日晨候太白出東方與月相
並容三指其國有兵憂容二指有城憂容一指有偏恃戰
海中占曰太白出月右陰國有謀出月左陽國有謀月扶太白
詩候時相不侵

漢明帝永平十五年十一月乙丑太白入月中後三年帝崩

晉元帝大興三年十二月己未太白入月中在斗其後有王敦之亂
成帝咸康四年四月己巳五月乙巳月俱掩太白明年冬季龍大

一寇河南

安帝義熙二年十月丙午掩太白在危五年四月劉裕北伐南燕
滅之

元熙元年十二月丁巳月犯太白子羽林二年六月禪于宋後魏
晉 元年五月辛未太白出西方與_月並中間容一指十月高歡
起兵誅爾朱等

陳文帝天嘉六年八月戊辰月與太白光芒相著在大微西蕃南
有八尺明年帝崩安成王頊廢少帝而自立

康玄宗先天元年八月甲子太白襲月占曰大兵之象月大臣體也

月犯辰星兵起上卿死或曰廷尉憂之軍畧月與水薄主死京房
曰天下大水

月食辰星其國有女愛有水飢一曰其國以女亂亡一曰兵未起而月
食辰星所當之國戰不勝

月與辰星會合其宿國雨水敗物一曰兵起國亡地又曰其分人流亡
辰星與月同光其國且以女樂亡一曰有大水

辰星入月中臣叛主荆州占曰有水有刑事起又曰臣欲弑主不出
三年必有內惡 武家曰

辰星入月而見其國君子死入而星不見大臣死北方之國一曰辰星入

月君臣俱死其下有大戰亡國不利先舉者又曰內謀起冬大雪
又曰夜星入月人主戰敗亡地一曰牛馬疫米貴又曰夜星入月
而不見其國君臣皆死

夜星食月大水一曰臣有匿謀不出三十日 夜星貫月其國以

女子亂

夜星與月犯有水行事起因而匿謀且有大水一曰春夏大水

漢太始四年七月丙辰星在翼月犯之至地節元年楚王延及自
殺二年霍氏謀反伏誅

晉孝武大元二年十月戊子夜星入月在危時潮水入石頭城郭冬

春大雪牛馬病穀貴五陪後魏天興五年四月辛丑掩星

在井十一月帝伐秦師于象坑戰敗上將姚平赴水死北月食
五星其國皆亡歲以飢熒惑以亂填以殺太白以強戰辰以女
亂或曰月食五星大臣相譖死

五星入月其野有逐相太白將戮或曰五星食月天子殺同姓各月
食五星或薄或合皆為其分有殃

月暈五星占

月暈五星其國主死武密曰此謂五星相近而月暈吞之也

此月暈五星皆為兵星也明客勝不明主人勝暈色明不明亦如之

月暈圓木星人主病火水傷土谷一日女主病一日粟貴人相食一日兵起一曰有赦一曰天下有女子之憂一曰其國主不安

月暈歲星三復之相死一曰出戰不勝死五復之國君死

月暈木星有赦令

軍在外月暈水星·色赤客勝主人戰敗

月暈歲星而其星色青其分主死國以亂亡

月暈木星而食天下飢有大戰女主凶月食木星而暈亦如之

月暈火星女主凶一日星所守國主亡一曰兵在野大戰無兵大旱兵起一曰客兵入境寇掠三復之國相死五復之國君死

月暈火星而又犯之將軍以憂亡月暈火星而彘提在其中天子之兵橫行天下大亂諸侯分政有兵與上爭王者

月暈火星而食其分國亡月食火星而暈亦如之又曰其下有破軍亡地太半將憂期三年食尽王者患之

月暈土星其國有土工女主失勢平歲曰其國主死天下旱高宗占曰所在國兵起戰不勝一曰后死不則亡地三復之相死土工大動兵起女主憂五復之國君死

月暈土星在參五車有赦

月四季暈鎮星而其星之系其分主死於訖

月暈土星而食為兵喪女主死其國上工與月食土星而暈亦如之
月暈金星其國受兵戰不勝若暈而星入與月合其君出境外主
客死日月暈金星所宿國兵起或曰主亡亦曰旱灾三復
之相死五復之君死

月暈金星而月食有兵大戰國亡一日大將有二心月食金星而星
亦如之

月秋暈太白而星色忌其分主死國亂

月暈圓水星所宿國有水灾再合再離其國敗主死海中占曰
月暈水星在春大旱在夏主死在秋火水在冬火喪河圖帝

覽嬉曰月春夏暈水星民病寒熱疫在秋冬有夏兵起不
即有火水憂主死

月暈水星在角亢二重連環大臣有謀主者

月暈水星而食為火水大飢有女乱月食水星暈亦如之

月冬暈水星而星色明其分主國死

凡月春暈木夏暈火四季暈土秋暈金冬暈水而其星色惡者
皆為其國之分主死國乱大凶

凡月暈五星諸占多以為凶而問有言吉者如乙巳占云月暈土星所
宿國有福德而亦自與上下文相戾而畧例中又以月暈木星

為國大瑞今詳畧例一書中多可疑必是後人雜以偽文欺罔
庸主決非李淳風真本但乙巳正占必有占意大抵觀象要在察
色若暈得正色或五色相生鮮明潤澤而月與星皆不失常色
光明溫潤大小相承色不連時行不失次則為吉無疑若月光
昏昧星色異常進退得差亡角值怒暈色枯燥刑剋黯如
死灰則當以凶禍言之要在詳審而已流星客星犯月占

流星入月中而無光兵起流星入月而有光不出三年有亡國星出則
復立曰使星入月女主疾又曰君失地又曰將軍戮死荆州占曰
彗星入月臣有謀流星落月上下其國亂

客星入月臣害主 月中有星天下有賊星多者賊多也

彗星犯月占

彗星入月中兵大起期十二年大飢海中占曰彗星入月而月無光
不出期年國亡星入而即出則亡國復立

彗星觸月臣叛主 彗星貫月臣謀主

彗星出月上兵起特死一曰四夷未侵

觀象玩占乙集目錄

第四卷

五星

總敘

五星占

第五卷

日月五星與客星彗星相干犯占

五星相從占

五星合闕占

五星合聚占

五星相干犯占

第六卷

歲星

總敘

歲星行色變異占

熒惑

總敘

熒惑行色變異占

第七卷

鎮星

總敘

鎮星行色變異占

太白

總敘

太白行色變異占

辰星

總叙

辰星行色變異占

辰星犯列舍及中外官總占

觀象玩占乙集目錄終

觀象玩占卷之四

五星

總敘

五星五德之主其行或黃道之裏或出黃道之表猶月行有陰陽也其東行曰順西行曰逆順則進而疾逆則退遲不東不西曰留與日相近而不見曰伏與日同度曰合其留行逆順掩合凌犯變色失次芒角動搖皆以特政五常五事之失而見其變水火土三星行違夜半經天皆以日合度而後順行漸遲追日不反晨見東方行去日稍遲朝而

近中則留、經旦過中則逆行至夕時近中則又留、而又
順先遲漸疾以至於夕伏西方乃更與日合也金水二星行速而
不遲天自始與日合之後行速而先曰夕見西方去日前稍遠夕
時欲近南方則漸遲遲極則留、而近日則逆行而合日在於
日後晨見東方逆極則留而後遲、極去日稍遠旦時欲近南方
則速以追日晨伏于東方復與日合此五星合見遲速順逆留
行之大槩也昏旦者陰陽之大分也南方太陽之位天地之經也
七耀行至陽位當天之經則虧晨留逆而居此天之常道也三星
經天蒼天兩地之道也凡五星見伏留行遲速逆順應曆數為

得行遠曆錯度失路盈縮則為亂行亂行則為天矢字彗
而有亡國敗軍死喪水旱飢饉之禍云也

古曆五星並順行

秦曆始有金火之逆

甘氏曰時自有差異漢初測候乃知

五星皆有逆行其後相承罕能察識

至北魏末清河張子

信避亂隱于海島積三十餘年專以渾儀測候日月五星始
悟日月交道有表裏疾徐五星見伏有感召向背言日後
在春分後則徐秋分後則疾合朔日在日道裏則日食在日
道外則雖交不食月望值交則食不問表裏月行遇木火

土金四星向則遠背之則遲

五星行四方列宿各有好惡遇其所好則留多而遠見遲與
常數並差少者差至五度多則至三十許度其辰星之行見
伏尤異晨見應在雨水後立夏前夕見應在處暑後霜降前
並不見啓蟄立夏立秋霜降四氣內晨夕去日前後三六度
內十八度外有木火土金一星者見無者不見

後張胃玄劉焯等依此差度為定入交食分及五星定見與天
密會曆法至此始造妙矣李淳風曰凡五星之行不敢亂常越次
猶如月有弦望晦朔是改歲星熒惑填星晨見於日後行遲於

日當平旦之時遇至午上便留、而平旦至午反則遲行、至於
夕時又欲當午上則更留、而平旦近午則又順行、極而伏
與日合則當宿其度而度命於日更晨見於東方此皆不敢以
昏旦當午也至於金水二星則又甚焉晨見東方丙巳之地便
速行以追日及之而伏與日合復出於西方速行昏時至未丁
之地即遲行近日而又伏焉此二則五星皆不敢昏旦當午而
盛也五星伏見日數各殊遲速逆順其數不等求之見伏
較同一術焉

五星占法

五星歲星為穀主熒惑為旱主填星為土主太白為兵主
辰星為水主五星各有常色各有本體歲星色青如參在左
肩熒惑色亦如心大星一日如大角填星色黃參右精太白色白
如狼星又曰如五車而有光辰星色黑星如奎大星其常也不
失本色而應四時則吉變色則凶

五星色青圓為飢為憂赤圓多旱而色爭亦中不平為兵
黃圓國喜一日女主有喜白圓為喪為兵黑圓為水為病青
角為兵憂赤角兵犯我城黃角地之爭白角為兵黑角哭
泣螿為水灾五星失色木色白火色黑土色青金色赤水色黃其國

必敗木為飢火為旱火災土土金為兵水為水灾至咸曰吉凶
憂患谷以色變言之將有兵金星變將有喪土星變將有飢
木星變將有旱火星變將有水水星變

五星守二十八舍各以其色占其禍敗歲星守木星其色白熒
惑守火星其色黑填星守土星其色青太白守金星其色赤
辰星守水星其色黃必敗

五星所出所行所直之辰其國為得位歲以德熒惑以禮填
有福太白兵強辰陰陽和所行所直之辰順其色而有角者
勝其色害者敗若實有德居虛無德也色勝色行德盡勝之

凡五星歲而政緩則不行急則過分逆則占祭惑緩則不入
急則不出遠道則占填星緩則不過急則過舍逆則占太
白緩則不入非時不出逆則占辰星緩則不出急則不入非
時見則占五星不失其行則年穀豐登

營室為清廟歲星廟也心為明堂祭惑廟也南斗為文太室
填星廟也亢為疏廟太白廟也七星為貞官辰星廟也五星行
至其廟謹候其命

五星木土以逆行為凶火以勾巳為凶金以出入不時為凶水
以不效為凶並見其歲大惡

五星皆出中道天下太平出陽則旱出陰道則水中道者
兩角之門房之中間畢之天街南北河戌之間皆是也

五星不行天門為有灾 五星不道東西咸皆為有賊

五星不出兩河戌間必有道不通 五星皆逆行臣且謀君

五星分天之中積于東方中國利積于西方外國有兵者利

五星俱見其年必有不善 五星並晝見天下別造中國無君

諸侯列土為王

五星與日月爭光臣與主爭

五星變色進退喜怒皆與時氣相應全不可怒于火之鄉

申酉是也水不可怒巳午是也木不可怒于金之鄉申酉是也水不可怒于土之鄉辰戌癸未是也火不可怒于水之鄉亥子是也土不可怒于木之鄉寅卯是也怒者形色猛盛芒角四出也皆為兵灾其变色之日亦以此占之木為飢兵火為旱兵土為土功兵起地震金為兵水為大水疾疫兵喪

五星起怒芒角四達其形未變是謂戒兵其星形變而銳上小下大狀如拔劍是謂戒行不可後救堅甲利兵以待不祥

五星有三角者兵息有五角者兵行多角則戰

五星反羽其下國不可久處反羽者光芒上天下小狀如反羽也郝朗曰五星之常形行即乘芒下大上銳及其倒行而反芒向下謂之反羽

五星之變以王時則王者之事以相時則將相大臣之事以囚徒特囚之事以休時則萬民之事

五星行二十八舍星相近七寸內及宿者其國君災五星逆行去宿離非七寸內而守之者其國君死于兵順守之則以病死

五星逆守列宿若已去之復還若之環繞或勾已乍大乍小

不明不暗是謂絕嗣其禍大

五星起怒凌犯守留列合察其守犯審其守留之日觀其時氣相和相賊以決其事視其色變以知吉凶之情別其光芒所指知兵起所加之鄉芒多則短者謀而未成芒少而長者其謀必成其氣專而上行芒從一至四是謂道極或指東或指西或指南或指北芒以具其下必有亡國芒過四以上未可

命也

五星守二十八舍其中外官星亦各有五行所屬不相賊害各以其官占其事

五星守木星有木異守火星有火異守土星有土異守金星有金異守水星有水異

凡五星失次而次上二三宿曰盈躁急象也失次而下二三宿曰縮畏退之象也光色潤澤溫和曰喜順慶之象光芒明盛威猛曰怒暴聞之象也光體震閃明威曰動不安之象也光耀生鋒曰芒芒長四出曰角又曰五寸以下謂之芒七寸以上謂之角又長而偏出曰彗正旗者芒也旗所指凶戰則隋旗所指擊之勝

凡五星之行各有遲疾如其曆數本歲行一舍金水一年而一周天火二年而一周天歲星近日則遲遠日則疾熒惑近日則疾遠日則

遲鎮星平行無大遲疾金水附日而行此其大駭也同舍日舍相
孽曰闕行而掩之曰龍衣行而侵之曰犯行而直衝之曰觸來其
旁而居之曰守未當來而來曰入未當去而去曰出西入東出曰
貫行而造其中曰入行而隨其後曰從自上而下壓之曰來自下
而上直往冒之曰交經者過其中而無所犯也速者過其旁而
先犯之也應者旁過而相迫也掩者冒而蔽之也環者繞之而
周也繞者環之而不周也勾者一往一返如勾字之狀也已者往也返
返而往如已字之勢也牝曰牡曰以五行相克而論夫在陽而妻
在陰是牝化相乘也二星相近其殃乃大相遠無傷七寸內必之

凡五星守犯列宿占或云兵或云喪或云旱或云疫未知的從者
宜以色占庶幾可準青為憂病赤為兵旱白為喪黑為水
或吉黑凶則為上功此其大畧也占分野則或以宿度或以日辰
天下有分有合相以地方參以人事不可膠柱而調瑟也

凡歲月日時所主甲為齊乙為夷丙為楚丁為江淮南蠻戊為
中山己為韓魏庚為秦辛為華山以西四夷之地壬為燕趙
癸為桓山北夷之國為為丑為翟亦為遼東寅為趙楚卯為
鄭辰為晉巳為衛午為秦未為中山梁宋申為齊酉為魯
戌為趙亥為燕代

已為歲月日辰時及見灾所在之地同用假令丙辰年七月丁卯日午時災見於未地太歲在丙為楚辰為晉七月申又為齊卯又為鄭午為秦未為中山梁宋則是其地各有災也他倣此

凡五星王則光芒相則光實休則光而無角不動囚則無光芒死則微小也

凡言陽國陰國者從東維為蓋南維陽陽主中國故曰陽國者中國也從北維盡西維為陰陰主負海國故陰國者夷狄之國也五星冠珥大臣逐五星流其分民飢國亡

五星盈縮失次其精降於地為人歲星降為貴人熒惑降為童
兒謔嬉戲填星降為老人婦人太白降為壯夫處于林麓之
中辰星降為婦女無所不為吉凶之應隨其象也

五星行次各有常推

角中間

亢南一度

氐中央

房中道

心北二尺半

尾北三尺

箕北一尺半

斗杓第三星南

牛南一度

女南二度

虛南二度

危南二尺

室南二尺

壁南二尺半

奎南二尺半

婁南二尺半

胃南八尺

鼎南一尺

畢北二尺

觜北二尺

參北三尺半

井中北五寸

鬼南二尺

柳北三尺

張北三尺

翼北四尺

軫北三尺

已上並五星當行之道也一尺為一度若多少不同則謂之失次亦曰失行一尺之下猶輕已上漸重近南為里飢為兵近北為水為死喪疾病

石氏五星贊曰五星更出司不祥應節守道不為殃日滿不入其事興過時不出陰謀行以星所守占厥方芒角變動非其當審五色別青黃各以事類占災祥

凡五星之行各有遲疾如其曆數本歲行一舍土三年行一舍金

水一年一周天木近日則遲遠日則疾火近日則疾遠日則遲
土平行與大遲即金水附日而行此其大槩也

重出

凡五星所在大於常其分興小於常其分不昌

凡五星東行曰順西行曰逆 超合而前為盈退合而後為縮

一曰失次三宿曰盈躁急之象也

光色潤澤溫和曰喜順度之象也

光芒奮發威猛曰怒暴闕之象也

光體震閃明滅曰動不安之象也

光耀外生鋒曰芒一曰五寸以下謂之芒芒長四出日角一曰七寸

以上謂之角 長而偏出曰彗芒謂之正旗所指者受殃戰則
順其所指擊之勝

凡五星同度曰合石氏曰光芒相及曰合巫咸曰相水曰合荊州
占相去一尺內曰合 同宿曰聚亦為之會一曰光芒相連曰會

郝萌曰留三日曰會未當去而去曰出 未當來而來曰入

行而造其中曰入 入宿度而居曰舍石氏曰行度所居曰舍

入此宿曰宿石氏曰留二十日已上曰宿處其所日居甘氏曰行所
當行過二十日不失次日居 石氏曰依度至而不去曰居

不東不西曰留郝萌曰住不移曰留

未其旁而居曰守石氏曰居之不去曰守郝萌曰二十日巳上曰
守甘氏曰徘徊木去行而其度曰守行而侵之曰犯石氏曰經過
其星而光耀侵之曰犯古占七寸以內曰犯宋史曰相去離五寸
而光芒不接為灾亦輕若相去離一尺以外而光氣相射亦以
犯占先犯而遂留居之曰犯守未當入度而徑入犯之曰侵

東西正當曰冲

自下而上厭之曰乘

自下而上直往冒之曰凌

相衝而止曰觸一日兩動直前抵

曰觸一日行而直前衝之曰觸相凌曰闕甘氏曰合復離離復合
曰闕常昭曰相擊曰闕行而掩之曰襲 行其而隨其後曰從

西入東出曰貫 相切曰磨 周之一匝曰環 環之而不周曰統

追而侵之曰薄 兩体相着曰薄 勾日左去右迴右去左迴如

勾字狀也 已者往所復復而往如已字之形也 甘氏曰去而復返

曰勾為已東西曰為勾南北為已 郁萌曰行如勾字曰勾已字

曰已 刺者過其房而光射之也 掩者蔽而滅之也 蝕者侵其
邊而漸及其中如蚕食葉之也

蚕者從上直下掩之也

戴者頂之於上也 同光者二體相合不辨其形孰為彼孰為此也

牝牡者以五行相剋而論 夫在陽妻在陰是謂牝牡承也

星食月者星見月中月食者月至而星沒也經天者昏旦出於午地木火土陽星不忌金水陰星經天則為妖也

盡見者白日出與日爭明也

李淳風曰聚者自三星以上為聚聚者集衆會之象福集則吉刑

集則凶集則凶德先至則吉刑先至則凶從者遲疾次第相及於一處

也次序從就之象離者雖同宿共度而南北乖隔不和之象

從者雖同在宿分不相停待雖越移避相背之象也

舍者經其宿度而行舍其宿而遲也

宿者經其舍而過經去不遲也

侵者越理而進以大迫小自上逼下漸損害之也

陵者以小逼大自上化上直往凌也

抵者一動一靜而動者直至其所也

曆者以次相及而過也 經者由其中過而無所犯也

貫者直徑其中過也

李淳風曰五星芒者生鋒芒刺殺害之象

角者長大於芒與立誅代之象

大者大於常體興建開拓之象

小者小於本体亡敗感退之象

又曰吉星大者吉凶星大者凶吉星小者凶凶星小者吉以分位斷之 逆者為逆之象順者和順之象 遲者和緩之象疾者急迫之象 福德出則失善之象刑禍入則亡亂之象 福入刑出則吉刑入福出則凶

合者二星相連同處一宿之中和順而合則吉乖逆而合則凶一逆一順一遲一疾相逢於一宿之中為會德會則福與刑會則禍作守者留住也附近列星伺察政治而為妖祥也

中者中傷之象 乘者駕御之厭伏之象 凌者凌小辱大之象也觸閻主攻擊爭閻犯刺主侵奪傷害 掩蝕主兼并

吞滅乘凌主脇迫暴橫戴者主有有立星戴月為死喪

貫者兵出入之象

凡五星守犯列宿皆為凶咎若逆或環繞勾已之則其禍尤大也

五星占

五星歲守木星熒惑守火星鎮星守土星太白守金星辰星守水星是謂五重守并氣之象也

法曰并氣是為重施過節則民多疾疫五谷不成災害並生
一日天下旱

五星歲守土星熒惑守金星填星守水星太白守木星辰星守

火星是謂守其所勝上克下之象也

法曰賦歛重徭役煩下民屈竭莫之能供故下皆惡其上則
一 強凌弱衆暴寡是故盜賊衆多兵革並起

五星歲守火星熒惑守土星填星守金星太白守水星辰星守
木星是謂毋守其子陽不施之象也

法曰陽不足故多水災五谷不成

五星守金星熒惑守水星填星守木星太白守火星辰星守土
星是謂守所不勝下克上之象也

法曰臣民侵凌其主君弱臣強主威不振故姦臣賊子有謀上

之心

五星歲守水星災惑守木星填星守火星太白守土星辰星守金星是謂子守其母陰氣不成之象也

法曰陰氣不足故旱多大災萬物不成

觀象玩占卷之四終